

精鈔
大字

隨

園

全

集

隨
筆

三十

增補隨園全集卷之五

戊午季校正精鈔

隨園隨筆

文明書局藏版

上海文明
書局藏版

隨園隨筆自序

著作之文形而上。考据之學形而下。各有資性。兩者斷不能兼。漢賈山涉獵不為醇儒。夏侯建譏夏侯勝所學疏濶。而勝亦譏其繁碎。余故山勝流也。考訂數日。覺下筆無靈氣。有所著作。惟捃摭是務。無能運深湛之思。

本朝考据尤盛。判別同異。諸儒麻起。余敢披臆。頗恰逐康成車後哉。以故自謝不敏。知難而退者久矣。然入山三十年。無一日去書不觀。性又健忘。不得不隨時摘錄。或識大于經史。或識小于稗官。或貪述異聞。或微抒已見。疑信並傳。回冗不計。歲月既久。卷頁遂多。皆有資于博覽。付之焚如。未免可惜。乃題隨園隨筆四字。以存其編。嘻。予老矣。自此以往。假我數年。有所觀便有所記。便有所筆。此書之成。吾見其進也。未見其止也。

隨園隨筆目錄

卷一

諸經類

卷二

諸史類 上卷

卷三

諸史類 中卷

卷四

諸史類 下卷

卷五

金石類

卷六

天時地志類

卷七

官職類 上卷

卷八

官職類 中卷

卷九

官職類 下卷

卷十

科第類

卷十一

各解類

卷十二

典禮類 上卷

卷十三

典禮類 中卷

卷十四

典禮類 下卷

卷十五

政條類

卷十六

稱謂類

卷十七

辨說類 上卷

卷十八

辨說類 下卷

卷十九

存疑類

卷二十

原始類

卷二十一

不可亦可類

卷二十二

應知不知類

卷二十三

不符類

卷二十四

詩文著述類上卷

卷二十五

詩文著述類下卷

卷二十六

古姓名類

卷二十七

雜記類

卷二十八

術數類

隨園隨筆卷一

諸經類

錢唐袁枚子才著

經文異同

說文所引經書與今本殊如觥飯爲飮飯服牛爲犢牛其文蔚也爲斐也乘馬班如爲驢如新臺有泚爲有玼既伯既禱爲既禡既禡天地網緼爲壹壹教胃子爲育子嘽嘽爲疹疹殿尿爲唵呬荷蕢爲荷與赤烏几几爲擊擊伯冏爲伯斐費誓平秩爲平艷斷斷兮爲詔詔兮凡如此類不一而足禮記郊特牲以鄉人儺爲鄉人傩仲長統以風乎舞雲爲諷乎舞雲是齋日記以俗乎沂爲沿乎沂夫人自稱曰小童爲小妾梁武帝以宰子晝寢爲晝寢古晝字即晝字齊地無晝孟子宿於晝即晝也韓愈論語註以吾以汝爲死矣爲吾以汝爲先矣以杖叩其脛作指其脛硜硜然小人哉爲硜硜然之人哉史記註楚狂歌而過孔子之庭孔子下欲與之言下者下堂也與之庾當作廋與數同漢書注以艷妻爲閭妻蔡邕碑三歲貫汝爲宦汝爾雅注傷如之何爲陽如之何虞翻以康成不識古卽字誤以柳谷爲昧谷蔡邕以五更爲五變御妻爲御妾王充以舊云刻子爲舊云孩子考靈耀以文思安安爲晏晏石經以三嗅爲三憂又爲三噫明夷左股爲左股箕子爲根滋執禮爲藝禮剪齒爲戩齒肥遯爲飛遯以無逸高宗享國五十有九年爲高宗享國百年集韻以鏗爾爲快爾壹戎衣爲殪戎服

古文論語。君子不以紺線飾。非緇飾也。爾雅一八謂之線是也。昌黎解君子而不仁者有矣。夫爲君子而不備者有矣夫。高麗本論語集解。以三月不知肉味。三月二字乃音字之訛。劉脩碑。恂恂如也。作遜遜如也。祝睦碑。作遂遂如也。費鳳碑。湲而不溜。爲湲而不滓。論語居不容。唐石經及經典釋文。俱作居不容。唐司戶叅軍郭京得王輔嗣手寫周易本。與今異者凡一百三處。如即鹿无虞。何以從禽也。老婦得其少夫。君子以居德善風俗之類。論語問子西曰。彼哉彼哉。廣韻以爲彼哉彼哉。呂氏春秋引夏書曰。天子之德。廣運乃神。乃武乃文。引商書曰。五世之廟。可以觀怪。萬夫之長。可以生謀。與今本不同。墨子尚同篇引太誓曰。小人見姦巧乃聞不言發罪均。今本所無。孝行覽引商書曰。刑三百。罪莫重于不孝。亦今本所無。徐廣以臯陶謨。擾而毅爲柔而擾。玉篇。擾。馴也。即柔也。其他史記漢書所引尚書與今異者百數十條。不勝摘錄。吳匏菴趙注孟子校本。公孫丑問伯夷伊尹何如。注云。伯夷之行何如。下又云。不與伊尹孔子同道也。似正文不當有伊尹二字。予有亂臣十人。唐石經無臣字。左傳蹇叔哭師曰。孟子吾見師之出而不見其入也。石經以孟子爲孟兮。

經註迂謬

經註迂謬者。鄭康成爲甚。孔融執子孫之禮。以事康成。猶不信郊天鼓必用麒麟皮之說。以爲康成名重。故多臆說。若郊鼓必用麟皮。是寫孝經必用曾子家竹簡也。虞翻亦極言其紕繆。故

駁正康成一百八十事。後魏王肅尤多駁正。而唐人孔穎達爲之作疏。則附和穿鑿。一字不敢置議矣。孔穎達本王世充舊臣。其見解卑陋。可想同官博士馬嘉運亦時時駁之。俱載本傳。余爲扶摘其可笑者。如注胡然而帝也。云帝五帝也。孔疏便引靈威仰赤嫫怒以實之。註曾孫來止。以其婦子饁彼南畝。謂即曾孫之王后太子也。成王勸農。必與王后太子同行。王肅疑之。而孔疏遂言聖人制禮。與日月同昭。明明周有平王。而召南詩平王之孫。必以爲平正之王。乃武王也。明明周有成王。康王而周頌成王不敢康。必以爲成者成此王功。非成王也不顯成康。以爲成安祖考之道。改前王諡法。以遂其私說。註雍雍在宮。雍辟雍也。不諫亦入。謂入宗廟也。兩虛字作實字講。亦既覲止。爲男女構精之構。五日爲期。六日不詹。爲妾年未五十。必與五日之御。婦人過五日。必有思男子而不得之病。註左之左之。爲陽道朝祀之事。右之右之。爲陰道喪戎之事。註言從之邁。言將自殺以從之。註見乎蒼龜動乎四體。謂四體即龜之四體也。註三以天下讓。謂泰伯逃去爲一讓。太王薨。王季討泰伯。泰伯不奔喪。爲二讓。斷髮文身爲三讓。註三英。彛分。以剛克柔克。正直爲三英。何晏以必也。正名乎。謂正百物之名。皇侃引魯君假馬之名。以證之。康成則以爲字義。引禮記百名以上則書之于冊是也。二說于夫子必也二字。口氣不協。余意自以朱子之說爲近。註明堂位。天子負斧扆而立。天子周公也不稱其攝。直云天子。並云其冕十有二旒。且曰魯之王禮也。天下傳之久矣。君

臣未嘗相慕也。禮樂未嘗相變也。註：君子不盡人之性，懼為飲食不竭人之忠，忠為衣服註：夢齡事云。文王以憂勤損壽，武王以安樂延年。註：大德敦化，指天子。小德川流，指諸侯。註：兼葭謂刺秦襄公不行周禮。註：角弓，毋禁辭。毋從女象有姦之者，禁令勿姦。故母為禁詞。一切碩人作大德解，而獨以白華碩人為妖大之人。註：齊子豈弟，為即齊子發夕之義。訓為闡明發行，而又引古文尚書，以弟為闡，必欲翻毛傳樂易之說，謂與他豈弟不同。註：昏極靡供，以極為極，女子之陰。此乃景十三王傳中事。三代上無此刑。註：庭燎謂刺周不設雞人之官。注：東方未明，謂挈壺失職。註：擗摯女子，以為未三月廟見，故不稱婦。註：目上為名，目下為清，然則美目盼兮，盼又是何物。註：撰几為有馮，佐食為有翼，然則下文有孝有德，又引何禮。註：粵若稽古帝堯，以古為天。稽古者同乎天也，尤屬可怪。註：禮記天子一食，言天子必待勸乃再食，何作偽至此。註：周禮衮冕用玉二百八十八斤。若如此，則天子之頭不勝其重。註：夏至祀地，示必服大裘。若如此，則天子之身不勝其賜。註：喪禮含殮用米二升四合。君大夫口含梁稷四升，如角柶不能啟其齒，則鑿戶頰一小穴而納之，為子孫者不應悖亂至此。註：論語皆不及門也，謂不及仕進之門而失所也，殊非聖人語氣。其他可笑者，毛萇馬融趙岐何休啖助虞翻諸人，俱不免大王在上一詩。毛詩以為文王受命而作，然則文王生而諡文乎？自以為於昭于天乎？馬融註：文祖為天，天有文故也。亦屬牽強。趙岐序孟子七篇，取以七者，天有七政故也。

取以章二百六十有一者。三時之日數也。三萬四千六百八十五字者。可以行五常施七政。故法五七之數而不敢盈也。何穿鑿乃爾。註望道而未見言文王爲殷祿未盡。故望紂而不敢誅。註遁詞即秦客之廋詞。與知言之旨。毫無關涉。禮統夏曰清臺。殷曰神臺。周曰靈臺。何休以質家具天。而王天神稱清。文家具地。而王地祇稱靈。又曰質家立世子弟。文家立世子子。不知所本何書。莊公元年。經書夫人孫于齊。因上文甫書公與夫人姜氏如齊。故僅書夫人。不稱姜氏省文也。閔二年。夫人姜氏孫于齊去。莊公二十四年。夫人姜氏入。已隔遠矣。不得不著姜以表之。休遂謂殺夫罪重。故去姓。殺子罪輕。故不去姓。啖助以爲齊太岳之後。而五石隕宋。象桓公卒。五子作亂也。宋將得諸侯。而治五公子之亂。是鷁退不成之象。故後六年。霸業退。象六鷁之退飛也。殊覺附會。孔父義形于色者。孔父之妻美而艷。古者大夫之妻當乘車。不令人見其面。今爲華督所見。是其義從女色不形也。語義亦不甚明析。謝梅莊平王之孫。齊侯之子。註以爲平乎王之孫。齊乎侯之子。履幽人貞吉。虞翻曰。在獄中故稱幽人。象曰。幽人貞吉。中不自亂也。謂雖處獄中。終辨得正。故不自亂。又牛童之桔。鄭志問木在足曰桎。在手曰梏。今何以別。答曰。牛無手。以前足爲手。故曰童牛之桎。解經至此。令人失笑。

經註平易

六經古註。最平易者。如韓嬰說泰離詩。人求亡不得。中心憂惱。不識于物。視彼泰離。然誤

以爲稷之苗。憂甚故也。王肅訓學字爲誦習。人不知不愠。爲人有所不知。則教誨之而不愠。怒費而隱言世道違費。則君子隱去。天地位萬物育。直指帝王。顏師古以甘誓拏戮者。辱之爲奴也。非族誅也。毛傳召公懼人。因管蔡事而傷兄弟。故作棠棣之詩。毛氏以履帝武敏歆。帝爲辛氏。蓋姜嫄從乎帝。而見天也。歐陽大小夏侯皆以康王之誥。即顧命之下篇。猶之舜典即堯典之下篇。無姚方興大航頭所得二十八字也。孔氏註納于大麓。謂大麓。幾之政。能調燮陰陽。故烈風雷雨勿迷人也。無所取材。謂無所取于桴材。以子路不解微言。故戲之。朝聞道。謂朝聞有道之世。則夕死亦可。蓋悲天憫人之意也。說文以寢衣爲被方。于長一身有半相合。趙岐註爲長者折枝。按摩也以支爲肢。方于長者二字有屬。注大人者不失其赤子之心。即康誥如保赤子之意。言治民也。毛氏不曰成之言。不與民立日限期也。中庸疏三年之喪。父母適于正妻也。不專主父母。故更云父母。以別言之。註鄉人讎。以爲孔子慮驚先祖。故朝服亦敬室神之禮也。三頤謂于路供雉。孔子但三嗅其氣而不食也。王伯厚以矢魚爲射魚。引漢武射蛟爲証。洪容齋以小星之詞。即殷其雷之旨。蓋使臣宵征。攝擗行李。不敢慢君命之意。不然。則牀帳衾褥。非一女子所能抱而來者。侯果以朋。蓋譬爲冠簪之簪。少陵詩。蓋簪誼樞焉。已直用之。王明齋說射侯者。言矢至以此爲候。故古文作醫像矢。集布上之形。禮記考工皆以射中爲諸侯。然則天子士大夫竟不射侯耶。崔靈思疏周禮云。禪

禋之時。禮儀變更者少。革命之時。禮儀變更者多。所以新人耳目。此周禮之所由作也。賈逵
註。當仁不讓于師。師衆也。胡廷芳註。翦商爲戰商。戰勤也。爾雅。翦芻勤也。言太王勤勞以奉
商也。馬周以犬馬有養主。人子說。故疏稱臣早失父母。犬馬之養。已無所施。明堂位云。山節
藻梲。是天子之廟飾。文仲以大夫而僭天子之禮。故譏之。與居蔡是兩事。毛西河言。樊遲請
學稼。是許行並耕而治之意。故夫子有上好禮。上好義之言。若泛言爲農圃。則下文無着落
矣。包咸解馬用稼。言馬用教民。稼穡也。天香樓偶得解。父母惟其疾之憂。父母二字。略讀斷。其
字指父母言。言爲人子者。首當以父母之疾爲憂。蓋一則以喜。一則以懼之意。馬融則曰。孝
子不妄爲除疾病外。不使父母憂也。又云。旅獒者。酋豪也。西戎無君名。強者爲豪。蓋遣其豪
來獻方物也。非獻狗也。五刑有服。言畫衣冠而不犯也。顏息齊解。賢賢易色。指妻也。重德不
重色也。子夏此章。兼論五倫。蓋夫妻君臣父母朋友也。學則不固。固陋也能學則不固陋也。
何休廢疾云。廐焚。孔子問傷人不問馬。今穀梁以邑人民驅牛馬爲輕。壞宮室斬樹木爲重。
是理道之不通也。康成釋之云。人民牛馬雖苞雖壞之後。仍可歸還。斬壞宮室樹木。則不能復
有。宮室樹木矣。故以爲重也。廢疾引運斗樞曰。夏不田穀。梁夏田曰。苗于義爲短。康成釋之
云。之子于苗。選徒翼翼。此毛詩夏田之証也。膏肓以左氏稱武仲爲聖。爲有戾于孔子。康成
箴之云。左氏此說。譏御叔之不學。非謂武仲之聖同孔子也。膏肓駁左氏。年鈞以德。德鈞以